

ESTD : OCTOBER, 1994
THLA TIN CHHUAK CHANCHINBU

SEPTEMBER 2017

Kristian Naupang



Siamtu ropui leh fing ber Pathian- 10

- Kristian Naupang a ni - 2
- Naupangte tan zirna pawimawhzia - 23

Kum 23-na

September 2017

Bu 276-na

Editor

Upa C. Lalbiaktluanga

Managing Editor

Rev. Dr. C. Chawngminglana

Joint Editors

Lalremmawia

Upa B. Lalhmunlana

John Lalhruaitluanga

Upa Dr. C. Vanlalhruaia

Circulation Manager

Lalfakzuala

K R I S T I A N N A U P A N G

Synod Office First Floor
Mission Veng, Aizawl – 796 001
Phone - 0389-2324590

e-mail:

kristiannaupang@gmail.com

A man pe duh leh a bu la duh
chuan Circulation Manager
hriattir tur a ni.

Kum khat lak man ` 50.

Kristian Naupanga thu chhuahte hi Editor ngaih dan a ni vek kher lo.

A chhunga thu awmte	Phek
1. Editorial	1
2. Kristian Naupang a ni	2
3. Lalhhandama	5
4. Siamtu ropui leh fing ber – Pathian	10
5. Chhinga Vengthlang PNSS	15
6. Tleirawlte Pual	19
7. Naupangte tana zirna pawimawhzia	23
8. Hriatzauna Huang	26
9. Alice-i te chhungkaw chanchin	28
10. Nu leh pa chawimawi	29
11. Hmutheitua	30
12. Chei chhuah	32
Ka hmuh ang hmu thei rawh	A kâwm chhungah

EDITOR KAMCHHUAK



NAUPANG SUNDAY SCHOOL HI

September, Naupang Sunday School inkhawmpui thla kan lo thleng leh ta. Pathian thu hmanga intihsiakna thianghlim kan nei a. Kohhran thenkhatah chuan intihsiakna kan nei ta lo thung. Hetiang taka Pathian thu zirna Sunday School kaina tur nei pha lo hi khawvelah naupang an tam hle a, Mizo Kristian naupangte kan vannei hle.

Kohhranin zirtirtu min rawihsak a, chung chuan kan hriat thiam loh tur Pathian thu te, thu inchhang te, hla har tak tak, mawi taka kan sak theih turte a thlawnin min zirtir thin a ni. Sunday School-a kan zir ang tluk zirna tha hi hmun dangah pawisa chawia pan tur a awm lo. Mahse, fee pawh chawi lovin kum tluanin kan kal thei a ni. Hetiang zirtirna tha a thlawna kan dawng thei hi Pathian leh a kohhranhote vang a ni.

Hetianga kan naupan lai hun kan hman thei hi vanneihna a ni tih kan hriat a tha ang. Hetianga intihsiakna neite chuan rilru zau tak kan put a pawimawh hle a ni. Pakhatna ni tlakin kan thiam a; mahse, pakhatnaah min puang lo a nih pawhin kan vui tur a ni lo.

Naupan lai hian Pathian thu leh hla thiam hnem a tha em em a ni. Kan lo puitlin hnu pawhin Pathian thu kan byheard-te khan kan nun kawng a hruai ngil thin a ni.

.....

KRISTIAN NAUPANG A NI

– C. Biakveli
Chaltlang

Vanlalfeli chu naupang duhawm tak, nu leh pa thu awih tak a ni a. An chhungkua hi lo neiha ei zawng an ni. Unau pianpui dang a neih loh avangin a nu leh pate pawhin an duat a. A dam chhung nun hruaitu atan Lal Isua an duh ber avangin an enkawl uluk hle a ni. ‘Lalpa ñih hi finna bul a ni,’ tih te hi a hriat theih tirh atanga byheart a ni.

Zan mut hunah te a nu leh paten Bible thu, Isua chanchin te, Josefa chanchin te, Bible-a mi ropuite chanchin leh khawvel mi ropuite chanchin an hrih



melh melh a, ngaihnaawm ti takin a ngaithla dauh dauh ñin. Zingah a tho va, lehkha a zir a, sikul kal nuam a ti a, a

thiam thei pawl ni lo mah se, a taimak em avangin kum tawp exam result a lo chhuah meuh chuan a ti ña pawl a ni ñin. Inkhawm a taima a, Sunday School kai kim lawmman a la fo ñin. Sunday School ban veleh inah an zir laite a nuin a lo zawt vat a, an thuvawn thlengin a byheart chu a nu a hrih lehchhawng ñin. Bible chang tam tak a byheart a, ni tin chhung inkhawm an neih pawhin a hun a lo thlen chuan phur takin a hman a, a nu leh a pa pawh an lawm thei hle a ni.

Mafeli chu kum 14, pawl 8 zir lai a ni a. A pain, ‘duty first’ pawimawhzia a hrih fo chu a vawng reng a, lehkha zir chu a tih tur hmasa

ber a ni tih a hria. Tlai khat chu a thiante nen an sikul banin an nu leh pate feh haw an hmuah fona thin dai bul khawthlirah an kal a. Mi nu leh pate an hawng zut zut a, a nu leh pa an lo lang ve mai lo. Ni a tla dawn suar suar a, khua a thim dawn ta mai si, a mittui a hru a hru a, putar pakhat feh haw a lo zawt a. “Ka pu, ka nu leh pate i hmu em?” tiin a zawt a. Putar chuan, “E, Mami, ka hmu hauh lo mai, khua a thim a ni tawh si a, ka rualin hawng mai rawh, i hawng dun ang,” a ti a. Mafeli chuan, “Engtin nge ka nu leh pa tel lovin ka awm ang?” tih leh tah a rual ta a. Putar chuan, “Mami, Pathianin a awmpui dawn che alawm,” a ti a.

Putar rit phur nen chuan an hawng dun a, a nite inah a lut a, in chhung a lut fel chiah tih chuan, Mafeli nu chu a fehnaah a pum a nat avangin zawn haw tur tih tlangau a lo au ta a, a mangang hle mai. A thiante Sangbawih leh Numami an lo kal vat a, an awmpui nghal a. Veng chhung paho chuan a nu chu an rawn zawn haw a, a chau

hle mai a. Mafeli chuan, “Ka nu,” a ti hman chauh va, dan rual lohvin a mittui a sur zung zung a, a nu chuan, “Bawihthe, ka thingremah kraws thi a awm a, i lo nei ang a, i awm dan tur chu Lalpan rel rawh se,” a ti hman chauh va, a hnuk a chat ta mai a.

Mafeli chu a rilru a na hle mai, a tap a tap mai a, a thianten hnem an tum pawhin an hnem zo lo va, a pa lahin tihngaihna a hre bik si lo. Nu a nei ta lo; mahse, a nuin, “Pathian thu awih zawng zawng vanramah kan awm dawn,” a tih kha a hriat reng avangin a thla a muang a ni.

Ni tin a nu thlanah a thianten an kalpui thin a, a tawngtai a, a tap zawih zawih thin. Tum khat chu, a nu hmel ang deuh a hmu chu a insum zo lo; a tap chhuak hawm hawm a, a thianten an zawh pawhin a zak a, a sawi duh lo. An zirtirtute pawhin an khawngaih a, a nu hriat reng nan a ngainat em em Holy Bible an pe a, a lawm hle. Lehkha a zir dawn apiangin a chhiar a, Pathian hnenah lawm thu a sawi a, finna te,

lehkha thiam theihna te, rilru chakna te dilin a ṭawngṭai ṭhin.

Kum leh ni te a liam zel a, Mafeli pawh pawl 10 a zir ve ta. A nuin a dam laia a sikul chawlh chhunga a lehkhabu chhiar tur a leisak te kha a la chhuak a, Florence Nightingale-in, “Lehkhabu leh ṭhian chu tlem mah se an



ṭha tur a ni,” a tih te chu dik a ti em em mai a. Vanram lehkhabu te, missionary chanchin te chu ngaihnawm a ti hle ṭhin.

Tin, a lehkhabu chhiar aṭanga a hriat reng ṭhenkhat chu – Bible hi bu 66

(Thuthlung Hlui 39 leh Thuthlung Thar 27) Bible bung zat 1,189, chang 31,102, thumal 7,73,693, hawrawp 35,66,480, bung sei ber Sam 119, bung lai ber 118, bung tawi ber Sam 117, hming sei ber Isaia 8:1, chang sei ber Esther 8:8, chang tawi ber Johana 11:35, Pathian hming chuan lohna - Estheri te hi a ni.

Mafeli chuan a lehkhabu zir lai chu theihtawpin a zir ṭhin a. A nuin a thih dawn ṭepa a pek, ṭhi (Kraws awmna) a awrh chu a khat tawkin a en zauh zauh va, a ṭhi awrh kraws chhung lama, ‘Jesus Loves You’ (Isuan a hmangaih che) tih thu inziak chuan a nunah thlamuanna mak tak a neihtir ṭhin. He khawvelah hian nu nei tawh lo mah se, pa a la nei a, a lawm em em ṭhin. Manganna leh harsatna te a tawh changin Sam 32:8, “Fing taka awmtir chein i kalna tur kawng chu ka entir ang chia, Ka mita en reng chung chein rem ka ruatsak zel ang che,” tih hi a dam chhung nun innghahna lungphum pakhat a ni.

LALCHHANDAMA

– Benny Lalfakmawia
Secretary, NPSS
Chawnpui Kohhran

Khaw pakhatah hian mipa naupang pakhat Lalchhandama (Chhantea) hi a awm a, nu leh pate thu awih thei tak mai a ni a. A nu leh pate zirtirna, thiante laka that chhuah te, aia upate thu awih te, mi rinawm tak leh huaisen tak ni turin an hrilh thin a, chu chu a theihtawpin zawm a tum thin a ni. Lalchhandama (Chhantea) chu unau pianpui nei lo a ni a. A nu leh pate chuan zan tin mai hian Pathian hnenah an hlan thin a. Thu awih tak leh fel taka a awm theih nan Pathian hnenah an hlan thin a ni.

An chhungkua chu mi
vantlang, khawsak lamah
pawh harsa
lutuk an ni lo
va, mi awm
thei tia sawi tur
pawh an ni lo.
A nu leh pate
chuan an fa
neih chhun a
nih avangin an
duat em em
mai a. Amaha
inkawm hlimna tur toys chi
hrang hrang a pa hian phaia a
zin te hian a hawnsak thin a,
amah pawhin nuam a ti hle
thin a ni.



An kuaah chuan a
rualpuiho zingah chuan toys
ngah ber a ni
a, a thiante
chuan an duh
duh an
khalhsak ve
mai thin a,
nuam an ti thei
hle a ni. A nu
leh paten
thiante bula
uikawm lo
tura an zirtir
thin avang chuan a thiante
chuan Chhantea chu kawm
nuam an ti hle thin a ni.

An sikulah hian a fel
em avangin an zirtirtute hian

an duhsak thei hle a, amah pawh chuan sikul kal hi nuam a ti thei hle thin a ni. sikulah hauh ngaiin a awm ngai lo va, a nu leh pate zirtirna chu a zawm tha hle a ni. Naupang thian kawm nuam ti mi tak ni mah se a nu leh paten thian kawm hun te, infiam hun te, lehkhha zir hun te, TV en hun te an siamsak a, a nu leh paten an siamsak ang thlap chuan a ti thin. Exam-naah te hian an pawlah pakhatna a ni ngei ngei thin a ni. A nu leh pate thu a awih avanga pakhatna ni thei chauh a ni.

Zan mut dawnah leh zing thawh hlimin Pathian hnenah a tawngtai thin a, a nu leh pate thu a awih theih nan te rilru tha tak a neih theih nan te, Pathian hnenah a tawngtai a, a dil thin a ni. Naupang nun nem leh zaidam, kawm nuam an tih leh fel an tih ber chu Chhantea a ni.



Sunday school kal hi nuam a ti thei em em mai a, Bible-a mi Pathian mite chanchin Lal Davida chanchin te, Josefa chanchin te, Timothea chanchin te chu ngaihthlak nuam a ti a, Pathianni hi thleng vat vat thin se a ti thin a ni. Pathianni chawhnu inkhawma variety

programme leh Pathian thu tha tak an zirtirtu ten an sawi thin te chu ngaihthlak nuam a ti thei hle thin. Inkhawmpuia intihsiakna tur chang,

thu inchhang te, hla zir te hi nuam a ti a, a thiam hmasa ber pawlah a tang reng thin a ni. Kum tawpa MSSU-in exam a buatsaihah pawh naupangte ni chungin Zalawra medal a dawng a, a lawm em mai a, a lehkhha zirna dawhkanah a dah a, a thlir veng veng thin a ni.

Mipa naupang harh rual mah ni se, a chhungte tan

chuan malsawmna a ni a, zingah a tho a, tual a phiat fai a, in chhung a phiat fai a, thutthleng a hru fai a, Sunday zingah phei chuan an venga KTP-in chanchinbu an tihchhuah *KTP Inleng* chu a sem ziah bawk thin a, hah a inti ngai lo va, nuam a ti a, Pathian rawng a bawl ve theihna niin a hria a, nuam a ti hle zawk thin a ni.

Chutianga hun a hman mek lai chuan tum khat chu an sikul an sports a, nuam an ti hle mai a. Chutia him taka an awm lai chuan ruahpuivanawn a rawn sur ta thut mai a. Field-ah chuan an sports-na thil vel chu a let phung mai a, tu man lak khawm an tum si lo va, Chhantea chuan vawt ti chung chungin a la khawm a, pavilion-ah chuan a dah tha a. Ruah chu a bang duh mai lo va, an zirtirtute chuan *zirlai naupangho chu tlan hawng* mai turin an ti a. Chhantea pawh chu Field thlang deuh chu an in a nih avangin a tlan hawng ta a.

Chumi zan dar 7:00 vel atang chuan a khua a rawn

sik tan ta a. A khawsik chu a san em avangin an motor chuan Aizawl lam chu a rang lamin an pan ta nghal a, darkar thum vel an tlan hnu chuan Synod Hospital, Durtlang chu an thleng ta a. Casualty-a nurse leh doctor night duty-ho chuan rang takin an lo buaipui nghal a, a thisen te an la a, laboratory-ah an han exam zung zung a, a natna chu an hmuchhuak thuai a. *Khawsikpui, thluaka lut* a lo ni a. ICU-ah an dah lut ta nghal a. Chutiang naupang hmeltha leh fel tak eng mah hre lova ICU-a a han mu bam mai chu nurse duty leh doctor-te chuan an lainat em em a, an mittui a tla hial a. Damdawi an neih that ber ber hmang chuan Chhantea nunna chu chhan tumin doctor leh nurse duty-ho chuan an bei a; mahse, khawsikpui thluaka lut chi hi chu a chak em avangin inchhan hman a ni ngai meuh lo tih chu an hre Chiang tlang viau mai.

Zing dar nga a lo nih phei chuan ventilator hmanga thawktir a lo ngai ta hial a, a nu leh pate phei chu an

mangang takzet tawh a, a nu phei chu lungchhe takin a tap rawih rawih reng tawh a.

Zing dar 7 a la ri lo hret tihah chuan Chhantea chu a rawn thaw ta kaw k kaw mai a, a rawn meng a, a kaa ventilator an vuah chu amah chuan a rawn phawi a. ‘Ka nu, ka pa,’ tiin chiang tak mai hian a rawn tawng chhuak a, ICU-a awm nurse leh doctor-

te, a nu leh pa, a bula awmte chuan an rawn bial nghal tuau va. A nu chuan, “Bawihthe, i thi dawn em maw ka ti hman asin. Ka va lawm, aw Lalpa!” tih pahin Chhantea lu chu a chulsak hauh hauh va.

Fiah takin, “Ka nu, ka pa, tunah chuan ka kalsan dawn ta che u. Ka natna hi ka tuar chhuak thei dawn lo, a na em mai. Lo tuar chhuak thei



pawh ni ila, piangsual mai tur ka ni a, chu chu min hrilh thin Lal Isua khan a phal lo va, a hnenah min hruai dawn a ni. Hei tunah pawh ka bulah hian a awm reng tawh a ni. Ka nu, ka pi leh ka pute pawh ka hmu, khi min lo hui, ‘Lo kal rawh,’ min ti. Ka nu, ka pa, ka pi leh ka pute nen vanramah hlim takin kan lo hmuak ang che u. Min rawn ngaihtuah suh u aw?” a ti a. A sawi zawh rual chuan a hnuk chu a chat ta mai a. Chu naupang thusawi hre phaka awm, ICU-a mi te chu tap lo pawh an awm lo.

An khuaa mite pawh naupang fel Lalchhandama thih thu chuan a barakhaih hle mai a, a hre tawh phawt chu Chhantea te inah chuan an rawn tlan khawm zung zung a. Naupang fel leh mite pawhin an fak rawn, kum 12 mi lek chu chawhnu dar 1:00-ah chuan Pastor-in vuiin, thlanmualah an vui liam ta a ni.

A thlan lungah chuan ‘Kan fapa duat, Lalchhandama, Pathian angchhungah a chawl ta. I nu leh paten i bul thlen hlan kan nghakhlel e,’ tih a inziak a.

(Kristian Naupang chhiar thin zawng zawngten hei hi i hria ang u: “Kan Lal Isua hian min hre reng a, min theihngilh ngai lo va, min enkawl reng thin a ni. He khawvela kan awm chung hian kan nu leh pate tanpui te, thiante tana malsawmna ni tur te, Sunday School ngai pawimawh tur tein Lal Isua chuan min duh a, hetiang a kan nun kan hman chuan nakin lawkah kohhran enkawltu tur tha tak kan ni thei dawn a ni tih hriain, nu leh pa thu awih turin tan la ila, kan thih hnuah pawh Lal Isuan kan tan vanram nuam tak min buatsaihsak a ni,” tih hi.)

SIAMTU ROPUI LEH FING BER PATHIAN

– *T.Upa Dr. Lalsaimawia Sailo*
Senior Department Leader
Vaivakawn Kohhran

Pathian finna leh hriatna ngahzia chu a va thuk em! A rorelnate chu hriat theih rual leh, a kawngte chu chhui theih rual a va ni lo em! Amah aţang leh, amah avang leh amah atan thil zawng zawng a lo awm a ni si a; ama hnenah chuan chatuanin ropuina chu awm rawh se. Amen (Rom 11:33, 36).



Khawvelah hian mihringte thiamna leh finna te pawh a sang zel a. Kawng tinrengah leh technology hrang hrang thil hmuhchhuah leh siam chhuah ropui tak takte pawh kum tin, ni tin, darkar tin hian a pung zel a ni. Amaherawhchu, Pathian finna aţanga teh chuan mihringin kan thlen chin hi a la beitham hle a ni. Eng tik lai maha mihringin Pathian a phak ngai lohna tur chu mihring chuan thil awm sa aţang chauhvinn thil dang a siam thei a, Pathian erawh chuan thil awm lo aţangin thil a siam thei a ni. Tun tumah hian universe leh technology buru pui pui chanchin kan

sawi dawn lo va, engkim siamtu leh neitu Pathianin thil ho te anga kan ngaih, a thil siam thenkhat chu entir nana la chhuakin, kan thil, ho te anga kan ngaih pawh a lo hoh lohzia leh ropuizia tlem azawng tar lan kan tum dawn a ni. Lal Isua pawhin lal ropui tak Solomona meuh pawh a ropuina zawng zawnga a inthuam khan tuktinpar pakhat tluk pawha cheia a awm loh thu min hrilh bawk.

1. Chabet aţangin Velcro:

Kum 1941 daih tawhah khan Switzerland-a engineer George de Mestral chu a ui nen an ramvak a, chutah chuan a ui hmulah leh

thuamhnawahte chuan chabet a kai t̄euh mai a. Engtia kai thei nge tih hriat a chak ta tlat mai a; tichuan, enlenna hmangan a han en Chiang a. Eng vanga nghet taka bet thei nge tih chu zir chiangin a en chhin ta a. Pathian thil siam,




thil ho te anga lang chabet avang chuan thil t̄angkai tak mai Velcro (chabet/bantawn) a hmuchhuak ta der mai! Kum 1955 khan a thil hmuhchhuah chu ama hmuhchhuah ngei a ni tih hauha, US Patent 2717437-ah chhinchhiah a lo ni ta a ni. Velcro hi hman t̄angkaina a tam avangin hemi hmanga

sumdawnna pawh a lianin, vawiin thlenga mihringten kan hman t̄angkai em em a la ni ta zel a ni.

2. Rel tlan chak Shinkansen Bullet Train:

Khawvel changkang zelah mihringtena kan mamawh chu inkalpawhna t̄ha a ni. Shinkansen Bullet Train chu Japan rama an rel tlan chak hmingthang leh chhuanvawr a ni a, darkar khatah km 240–320-a chakin a tlan thei a ni. Tokaido Shinkansen an tih, Japan ram khawpui Tokyo leh Osaka inkara tlan t̄hin pheih chuan kum khatah mihring maktaduai 151 tehmeuh mai a phur anga chhut a ni. He rel hi tlan chakin t̄angkai hle mah se, t̄hat lohna a neih chu a lu pian fuh zan loh avangin chak taka boruak nena a innnek khan a thawm a bengchheng



hle a. A bikin leiverh (tunnel) chhunga a tlan luh hian a thawm a bengchheng lehzual a, a chuangte tan pawh hrehawm tham a tling a, leiverh te pawhin a chhiat phah thei hial a ni. JR West company-a an engineer pakhat Eiji Nakatsu-a an tih chuan chu an harsatna sut kian nan chuan kum 1990 khan ngaihtuahna thar a nei ta a. Chu ngaihtuahna thar siamsaktu chu eng dang ni lovin, Pathian thil siam sava chi khat kingfisher (Kai-kuangral, sangha ei chi sava) hi a ni. Chu ngaihtuahna thar hmang chuan rel lu chu kingfisher sava hmuï pian angin feet 50 vela seiin an han duang ta a. Chuta chinah chuan ri bengchheng vanga an harsatna chu a bo ta a, chu mai bakah chuan a hma aia 10%-a chakin a tlan theih phah a, a thahrui kawlpheha hman pawh 15%-in a tlem phah a ni.

3. Thlalera tui in tur khawl khawm dan:

Sephung chi khat Namibian Beetle an tih mai


hi thlalera cheng a ni a. He rannung Pathianin a duan dan hi a makin a va ropui em! He rannung hian a nun khawchhuah theih nana a mamawh tui in tur a neih dan chu thlalera zingkara dai tla thliin a ken tel te chu dawn khawl tumin a lu chu lei lamah a dah hniam a, a mawng lam chu thlia dai awm dawng thei tur tawk velin a tikâng bawk a. Tichuan, a



kâwrah chuan dai chu a bet ta ñiam ñiam a, luang khawmin a ka lamah a luang lut ta ñhin a ni. Seoul National University of Technology-a Pak Kitae chuan he rannungin boruak aţanga tui a lak khawm dan hi entawnin, boruak aţanga tui thianghlim khawl theihna hmanraw ña tak a siam chhuak ta a ni.

4. Dumde aţanga enna ropui lo chhuak chu:

Dumde hi kan hriain kan hmu theuh tawh awm e. Zannah phei chuan dumdein eng an pek chhuah hi a lang Chiang leh zualin a mawi em em a ni. Scientist-te chuan hun rei tak chhung an zir chian hnua dumdein eng a pek chhuah dan an sawi chu – oxygen te, calcium te, adenosine triphosphate (ATP) an tihte leh enzyme chi khat luciferase te inchawhpawlh aṭanga eng lo insiam a ni. Scientist-te chuan dumde hi ngun taka zir chiangin, hemi aṭang hian Light Emitting Diode (LED), a hma aia 55% aia eng pe chhuak thei an siam theih phah ta a ni.



Chutiang zel chuan gecko (Chawke), a letling zawng pawha tla lova ceiling-a a kal theihna ke ban aṭanga thil ban ṭha tak siam chhuah

a nih dan te, sava tam takin darthlalang an sut ṭhin avanga nunna an chan phah ṭhin sut kian nan maimawm ril inzem aṭanga thil danglam tak insiam entawna, savaten sut chi a ni lo tih an hriat theih tur darthlalang siam te, nghapui (whale) pângparh kir vel dan aṭanga turbine blade (virmep bân) vir chak tak an siam chhuah dan te, shark vun danglam bik aṭanga natna hrik (bacteria)-in a bawm theih miah loh thil an hmuhchhuah dan te pawh sawi tur tam tak a la awm. Heng kan han sawi tak tlem te leh ho te anga lang aṭang ringawt pawh hian Pathian finzia leh ropuizia Chiang takin a hriat theih a ni. Mihringte finna hi sang ve tawh hlein lang mah se, Pathian finna leh ropuina engah chuan kan hriat theih chin hi khawvel ṭiauvaivut zawng zawng zinga pakhat pawh a la tling pha lo vang! Eng tikah mah mihringte hian Pathian ropuizia hi kan hre fiah zo seng ngai hek lo vang. Amaherawhchu, keini Kristiante tan chuan thil siama



Pathian inpuanna kan hriat chhun ang angte a ropuizia kan ngahtuah thin a pawimawh hle a, chu chuan Pathian min hnaihtir thei a ni.

147:5-na pawhin, "Kan Lalpa chu a ropui a, thiltihtheihna lamah pawh chak tak a ni a; a finna chuan tawpintai a nei lo," a ti tawp mai a ni.



Chuvangin, Pathian ropui leh engkim siamtu neitute kan nih avangin lawm ila, thil siam dangte chungah p a w h ngilneihna lantirin, Siamtu

Sam 104:24-ah chuan, "Aw Lalpa, i thiltihte chu a va tam em! Finnain i siam vek a ni: leilung hi i hausaknain a khat a nih hi," tih kan hmu a. Sam

ropui leh fing ber kan Pathian hi i fak ang u.

CHHINGA VENGTHLANG NPSS

– *Lalhruaitluanga*
Asst. Secretary i/c NPSS
Chhinga Vengthlang Kohhran

Chhinga Vengthlang Kohhran hi **VENGHLUN** tih hming puin February ni 13, 1995 khan Chhinga Veng Kohhran aʔangin kan indang a, remchan zawkna avangin June ni 1, 2001 khan Chhinga Vengthlang Kohhran tia a hming thlakin vawiin thleng hian he hming hi kan la pu ta reng a ni.

Kan indan kum aʔang hian Naupang Sunday School pawh inkhawm hnan nghal a ni a. Biak In hmunhmain a zir loh avangin a tir lamah chuan Intermediate aʔanga Senior department thleng hian Govt. KVM High School-ah inkhawm ʔhin a ni a, Pathian kaihhruaina azarah vawiinah chuan biak in mawi leh ʔha tak mai kan nei ta a, department hrang hrangin mahnia inkhawmna hmun hrang ʔheuh kan nei mek a ni. Kumin 2017-ah hian naupang 950-1,000 vel Chawlhni tin an inkhawm ʔhin a; tin, zirtirtu 125 kan awm mek bawka a ni.

Ni pawimawh hrang hrang – Tumkau Ni te, Good Friday leh Easter Sunday te, Health Sunday te leh Khawvel Sunday School ni te leh NPSS ni pawimawh dang te hmang ʔhinin, thusawitute nasa taka inbuatsaihin kan zirlai hrang hranga thlalak te pho chhuakin ngaihnawm takin an sawi ʔhin a, department hrang hrangin special item hmuhnewm, ngaihnawm leh hlawkpuiawm tak ni bik apiangin an nei ʔhin a ni. Tin, a remchan dan angin, a fiah leh chian zawk nan projector te pawh hman ʔhin a ni.

NPSS enkawl na hnuai hian Naupang **‘Chawhnu Inkhawm’** tih hming puin chawhnuah hian a hrangin an inkhawm thin. Youth for Christ (Tleirawl Chawhnu Inkhawm) erawh KTP enkawl tura dah a ni. Naupang Chawhnu Inkhawmah hian Beginner aṭanga Intermediate department-te an inkhawm thin a ni.

Hun kan hman dan tlangpui chu – thuhrlil hi kan ngai pawimawh em em a, a tam thei ang **Pathian thu** hrilh thin an ni a, an thlarau nun hi kan ngai pawimawh ber a, an tan zirtirtute Chawhlniah kan ṭawngṭai thin. Faina chungchang te kan ngai pawimawhin inkhawm ṭan hmain an tin te, pheikhaw leh thawmhnaw fai leh fai lo te kan endiksak thin a, an sam te thlengin siam ṭhat ngai awm te zirtirtuten an siam ṭhatsak mai bakah Bible chang Chawhlniah an thiamtir (by-heart) ṭhinin, **‘Awm dan mawi’** hi a tlem berah inkhawm hruaitu apiangin pakhat tal kan hrilh thin a ni.

Hemi bakah hian a hnuai mi ang hian hun kan hmang thin baw:

- 1) Movie show
- 2) Summer show
- 3) Winter show
- 4) Quiz
- 5) Games
- 6) Talent hunt/show
- 7) Fakna inkhawm
- 8) Zai khawmpui
- 9) Group hrang hranga

ṭhen thin niin inelna hi worship dance, group singing, solo leh item chi hrang hranga hman thin a ni baw.

10) Indoor leh outdoor sport kum tin kan nei thin.

11) LPS Naupang puala hun hmang hmasa ber kan ni baw.

12) Hlapui zirpui thin a ni baw.

13) Kohhran huam chhunga bawhlhlawh te chhar khawmin kan lo tifai tawh thin a ni.

14) Kohhran dang Naupang Chawhnu Inkhawm te nen intlawh tawn thin a ni baw.

15) Zai thiam lar kan sawm thin baw.

16) Ni pawimawh bikah mi thiam – doctor te emaw sawm thin a ni bawh.

17) Thu leh Hla Kutpui neih thin a ni.

Heng bakah hian programme nuam an tih zawng ni mah se, an thlarau tana hmasawnna tha tur sia hun hi hmanpui thin a ni bawh.

Department hrang hrangte chanchin tlangpui han tar lang leh ila.

Pre-Sunday School:

Kum 2013 kum khan Pre-Sunday School hi din niin Beginner Department kai rual pha lote tana hemi hi buatsaih a ni a, kan hlawkpui hlein kan hria. Bible chang te an zir thin a, hla tha tak takte an zir bawh. Tin, hemi bakah hian kohhranin an inkhawm apiangin ei tur sem tur an buatsaihsak thin a, zirlai naupangte pian cham an inkhawmna hmunah te lawm thinin ei tur tuihnai tak tak an sem thin. Tin, hemi bakah hian anmahni leng tawh turin thutthleng siamsak niin, te reuh tê tê rawng hrang hranga

cheiin mit la tak tura siam a ni a, nuam an ti thin hle.

Beginner-Senior Department : Anni Department pawh hi inkhawmna hmun hrang theuh neiin an zir lai zirtir tur tein zirtirtute an inbuatsaih tha thei hle.

Inrinni zan inkhawm banah zirlai en lawk thinin, Naupangte tan an rilru zawng zawng an seng thin a ni. Khai khawm a tul changin khai khawmin, an hriat thiam tur zawngin an zirlaia milemte zirtirtuten ziakin naupang tana fiah thei ang ber turin an inbuatsaih thin a, **on the spot drama** te an chang thin bawh a, a tul dan angin projector te pawh hman thin a ni a, hei hian an zirlai a tifiyah hle thin a ni.

Junior department chin chung lamah naupangin zai an hruai a, department hrang hrangin tingtang neiin naupangin tingtang perhin zai an hruai thin a ni.

Zirtirtuten an zirlaite an ngaihsakin, damlo an awm chuan an inah an tlawh



chhuak a, damdawi ina admit an awm chuan an ngaihsakin an hmangaihna an lantir thin a ni.

Kan zirlaite zingah mi thahnem takin medal hrang hrang – Pi Zaii Medal, Pi Zaii Medal Special, Zalawra Medal, Zalawra Medal Special te an dawng tawh a, dilpui mek eng emaw zat an awm bawk.

Pathian kaihhruaina azarah kum 2016 chhung khan Kristian Naupang chanchinbu copy 200 lain, lak hnem lamah 13-na kan ni a. Naupangte Pathian thu leh thu tha chhiar lama nasa taka hma kan sawn hi kan lawm hle a ni. Hei hian Pathian rinna leh hriatna kawngah nasa takin hma a sawntir a ni.

TLERAWLTE PUAL

John Lalhrualtuanga
Jt. Editor

Krista model : Kristian tleirawlte hi khawvel model ni mai lovin, Krista model kan ni tih hi hriat thar fo a ngai. Brennan Manning-a chuan, “Khawvela Pathian awm ring lo an pun zelnah chhan lian ber chu Kristian, an hmui chauhva Isua ringa, an nuna phat leh si thintute vang hi an ni,” a ti hial mai. Keimahni avang hian miten Isua an hnaih phah nge Isua zuitu nih an chak loh phah?

Mahatma Gandhi-a kha Kristian nun dan tha ngaisang tak mai, Isua zirtirna ropui titute zinga mi a ni a. Eng emaw lai phei kha chuan Kristiannain a hneh em avangin Kristiana inpek a rilruk hman hial a. Amaherawhchu, a bul vela Kristian awmte nunah khan Krista hmel a hmuh hlawl si loh avangin a tum chu a thulh leh ta niin an sawi a, a pawh hle.

J.C. Ryle-a chuan, “Kristian chu sermon kal thei a ni a. Pastor-te leh thuhrlitute aiin thu a hril tam zawk daih a ni. A chhan chu kar tluanin a nuna thu a hril avangin,” a lo ti a. Kristiante chu Chanchin Tha bu ngana,

Chanchin Tha kal thei kan ni a, sawi mai bakah nuna Isua hmel lantir zel tur kan nihna hi hriah nun uluk pawh a ngai em em a ni.

Isua i thlahlel em? Fak hla phuahtu ropui Fanny Crosby-i chu kar ruk leka upa a niha a damloh atangin a mit a del a, a pasal pawh mitdel ve bawh a ni a, an fa neih chhun a sen laiin an chan bawh a. Khawvel danah chuan lawmna tur a nei lo ve hle mai. Amaherawhchu, kum 95-a upa a nih thlengin a dam a, fakna hla sangriat chuang lai a phuah a, kan Kristian Hla Buah pawh hian a hla phuah hi sawmthum leh pakhat a awm nghe nghe a ni.

Vawi khat chu Pastor pakhat hian a mitdel avanga a khawngaih thu a hrilh a. Fanny Crosby-i chuan, *“Ka pian tirh khan duh thlang thei ni ta ila, mitdela awm hi ka thlang tho vang. A chhan chu, he ka mita ka hmuh hmasak ber tur chu vanram ka thlen hunah ka tana thi Isua hmel a nih avangin,”* tiin a chhang a. Hmeichhe ropui a va ni tehlul em! Chhandamna changtute hian Isua hi an thlakhlelh ber a ni zel a ni.


Spiritual dominoes :

Kum 1854 khan Detroit khawpuia pheikhawk dawr pakhatah tleirawl kum 17 mi lek hi a inhlawh thin a. Pathian lam pawh a ngaihsak lutuk lo a ni awm e. Ni khat chu an Sunday School zirtirtu Edward Kimball-a chuan chu tleirawl chu Isua chanchin a hrilh a, Isua neitu a lo ni ve ta a. Chu tleirawl chu a hming chu D.L. Moody-a a ni.

D.L. Moody-a chu kan hre vekin a rinawm a, khawvel history-a thuhrltu ropui berte zinga mi a ni a. A chanchin an sawina

pakhatah pheih chuan, “Moody-a chuan a kut lehlamin continent pakhat a keng a, a lehlamin continent dang a keng a, Isua hnen a hruai thleng thin a ni,” an ti hial a ni.


D.L. Moody-a rawngbawlina avangin pastor pakhat FB Meyer-a chuan thlarau lama harh tharna a chang a, Meyer-a rawngbawlina chu J. Wilbur



Chapman-an a zar a lo zo va. Chapman-a rawngbawlina kal zelah a hun laia baseball khel thiam hmingthang Billy Sunday-a chuan Pathian khawngaihna a chang a, thuhrlin

rawng a bawl ve leh ta a.
Billy Sunday-a te
rawngbawlna follow-up ang

hian huaisen leh nghet taka
rawng kan bawl zel a t̃ul a.
Chutiang tura kan inbuatsaih
zel chu a
ngai a ni.




M a h n i
chhungkuaa
ringtu nihna
lantir miah
lo kan ni
palh ang tih
a hlauhawm

deuh atan Mordecai Ham-a
an tih chu North Carolina-ah
an sawm ta a. Chu Mordecai
Ham-a crusade-ah chuan kum
1920 khan tleirawl kum 16
miin Isua hnenah a nun a hlan
ve leh ta a. Chu tleirawl chu
Billy Graham-a a ni. Billy
Graham-a chanchin kan hria a,
khawvela rawngbawltu ropui
berte zinga mi a ni a, amah hre
lo chu an vang viau awm e.

Sunday School
zirtirtu Edward Kimball-a
rawngbawlna rah chu hmuh
theihin a ropui nghal viau lo
a ni mai thei a; mahse, a
nghawng kal zel ropuizia chu
a chiang awm e.

Krista rimtui : Miten
min chhiar rengna khawvelah

a, chhungkuaah hian Isua mi
kan nih a lang fo tur a ni. Kan
thenawmte hian kan nunah
Isua hmel hmu sela, Pathian
an chawimawi ngei ngei ang.
Texas-a Lometa khuaah khuan
ran vulhtu pakhat a awm a.
An khuaa mi zawng zawng a
hre vek a, a ngaihsak em em



vek mai bawk a. Naupang damlo an awmin a kan a, nupa nuna harsatna tawh an awmin a fuih a, a



ṭawngṭaisak bawh ṭhin. Tu mah Kristian ni turin a ti lui hauh lo; mahse, a nun khan a ṭhenawmte chu a hneh a. Bible-in '*Krista rimtui*' a tih kha a nunah hmuh theihin a awm a, a nunin mite hnenah thu a sawi ṭhin a ni.

L o n - don-a veng pakhat khu '*Godliman Street*' an ti a, chu veng hming lo

chhuah dan ngaihnaawm tak chu **Our Daily Bread**-ah heti hian an ziaak a. London-a veng pakhat Pathian mi, Pathian ring tlat mai hi a awm a. A nun leh a chetzia zawng zawngah Lal Isua hmel miten an hmu ṭhin a. A chanchin an sawi reng reng pawhin, '*Pathian thu awih deuh kha, Pathian mi kha*' tiin an sawi ṭhin. Nikhua a lo rei chuan, a awmna veng pawh chu '*Pathian mi awmna veng kha*' tiin an sawi a, a hnu zelah chuan '*Pathian mi veng/Godliman Street*' tih hming a lo pu ta a ni, an ti. Nuna rawngbawl hi a va pawimawh em!



NAUPANGTE TAN ZIRNA PAWIMAWHZIA

– Rev. Lalngaihawma
Pastor i/c Phullen Bial

Tripura rama kan awm lain zan khat chu mi sualin ka bike min ruksak daih mai a. Tripura North Presbytery hmanga Noagang-a kan zin tuma thleng a ni. Inkhawmpui tawp zanah zanlai velah a lo bo daih mai a, zawn ngaihna pawh kan hre lo. Police-ho chu Vai (Bengali) an nih avangin min ngaihsakpui tha duh lo hle lehngal a. A tawpah kan mangang chuan District SP kan pan ta ngawt a. A hming chu Lalhminga Darlawng, IPS a ni. Mizo tawng a lo thiam em em mai lehngal a, min tanpui nasa hle. Chutih laia ka rilrua awm reng chu, ‘Lehkha thiam hi a hluin a va tangkai em ve aw!’ tih chu a ni. Tun tumah hian naupang leh tleirawl tana zirna pawimawhzia sawi ka’n tum dawn a ni.

Mizote hmel timawitu leh khawvel hriata min tar langtu pakhat chu missionary-ary-te an ni. Council For World Mission (CWM)-ah hian Mizo missionary kan nei nual a, a lawmawm hle. Hetianga hmun hla zawk leh ram pawn thlenga an thawh theihna chhan hi Pathian a ni. A dawt lehah chuan an lehkha thiam vang a ni kan ti thei ang. Thenkhat chuan zirtirtu hna an thawk a, thenkhat chuan doctor hna an thawk bawk. An thiamna avangin


Pathian rawng an bawl a, Mizote hming an ti tha a ni.

Zirna pawimawh em emna chhan pakhat chu mi puitlinga min siamtu a nihna hi a ni. Naupang kum ruk mi, lehkha thiam thei lo tak hi a awm a. Vawi khat chu an zirtirtuten lehkha phek an hawntir a, a chhungten an han chhiar nak chuan, “He naupang hi lehkha zir chi a ni lo,” tih hi a lo ni a. A thiam theih loh em avangin an sikul atangin a bang ta hial a. Mahse, chu naupang chuan

tumruhna nen lehkhha a zir zel a. A tawpah chuan America mi thiam, thil siam chhuaktu leh hmuchhuaktu ropui a lo ni ta a ni. A hming chu Thomas Edison-a a ni. A tumruhna leh beidawn duh



lohna chuan mi ropuiaha a siam ta a. Khawvel mamawh electric bulb hmuchhuaktu a



lo ni ta a ni. Electric bulb a hmuhchhuah hma hian vawi singkhat lai a hlawhchham hman an ti. Mahse, zirna kawnga a beidawn duh lohna chuan a siam puitling ta a ni.

Lei hipna (Theory of Relativity) hmuchhuaktu Albert Einstein-a kha kum 1879 khan Juda chhungkaw rethei tak aṭangin a lo piang a. A naupan lain anti-semitic feeling avangin mahni inngaihnhniamna nasa tak a nei ṭhin. A zahzum em avangin a chhungten doctor an panpui hial a ni. Kum 1895 khan Switzerland, Zurich-ah polytechnic zir a tum a, a hlawhchham a; mahse, a tumruh em avangin a tawpah Zurich University aṭangin doctorate degree a nei ta hlauh mai a ni. Zirna chuan mi beidawng, zakzum leh hlawhchham kha mi ropuiaha a siam ta a nih chu.

Zirna hian rualbanlo pawh mi ropui takah a siam thei. ‘Kum zabi 19-naa mi ropui pahnihte chu Napoleon-a leh Helen Keller-ite an ni,’ tiin an sawi ṭhin. Ziaktu pakhat chuan, “ Napoleon-an khawvel a hneh thei lo va, Keller-i chuan khawvel a hneh,” tiin a zia k hial a ni. Helen Keller-i hi mitdel, bengngawng, ṭawngtheilo a ni. Mahse, zirna kawngah a



beidawng duh lo va, nasa takin a zir a, a tawpah chuan lehkhahu ziaktu ropui leh zirtirtu ropui a lo ni ta a ni. Zirna hi a lo va'n pawimawh tehreng em!



A tawp bera ka sawi duh chu – zirna pawimawhzia kan hriata, kan teirei peih a tul, tih hi a ni. Miin beidawng hauh lova a zir chuan thiam thei lo mah se, a tawpah mi hlawhtling a lo ni thin. Tlangval pakhat chu college-

a chemistry a zir laiin a thiam thei lo hle a. An professor chuan 'Thiamtheilova' tiin a ko hial. Mahse, chu tlangval chuan nasa takin a zir a, pem pun lohna (Antiseptic) damdawi te, TB damdawi te, kawthalo damdawi te leh ui a seh damdawite a siam chhuak ta a. 'Lehkhathiamtheilova' tia an koh thin chuan kum 26 a nihin doctorate degree a nei der tawh a ni. A hming chu Louis Pasteur-a a ni. Zirna hi mite siam puitlingtu, mi



ropuia siamtu a ni tih kan hriat reng a tul hle. Eng pawh zir ila, theihtawp chhuaha, tumruhna nen kan beih chuan hlawhtlinna a awm. Beidawng lova, teirei peihna neitute chu mi hlawhtling an ni thin.



Hriatzauna Huang

– Lalremmarwia

* Khawvel lawng lian leh hmingthang, *pil thei lo tur* an tih hial *Titanic* kha a chanchin tlem han sawi ila:

– A khawl khan ni tin lungalhthei tonne 800 aia tam a hmang ziah zu nia!



Tuipua a zin chhuah hma (April 10, 1912)

– A sei zawng kha football khelmual pathum chen vel lai a ni.

– Titanic-ah khan tun hmaa lawnga la awm ngai lo – pindan tinah telephone system leh electric light a awm vek a ni.

– Thawktute leh mi chuante ei tur a ken zingah



A chhawng chung ber dawttua bathlar

artui pum 40,000, apple pum 36,000, purunsen kg. 1,588, alu tonne 40 leh chhang tam tawk, chi hrang hrang 1,000 chuang te a tel.



Kum 1985-a tuifnriat chhung ft. 30,000-a thuka lawng hma lam an hmuhchhuah thlalak.

* I thluakah khan encyclopedia set 20 aia tama thil hriat theihna a awm asin.

* Thlaa han lawnte ke hniak kha eng tikah mah a reh dawn tawh lo. A chhan chu – a chhem reh turin thli a thaw ngai tlat lo.

* Thlawhna lian chi, *Boeing 747-400* an tiha electric hrui an hman zawng zawng hi pawt mar ta ila, km. 275 ai maha sei a ni ang.



* Thil lem lai hian a thâwk theih miah loh.

* America mi, khawtlang nun siam
ṭ h a t n a
l a m a
t h a w k
nasa tak,
*mother of
social
works* an



tih hial, **Jane Addams-i** (1860–1935) khan, mi 91 zetin kum 1916–1931 chhunga a hming an rawt hnuah kum 1931-ah Nobel Peace Prize a dawng ve chauh.

* Mickey Mouse cartoon siam chhuaktu Walt Disney-a (1901–1966) khan chaichim (Mice) a hlau tlat mai nia!



* Hmeichhia hian mipa aiin rawng thliar hnan an awlsam zawk.

* Olympic-a lawmman atan gold, silver leh bronze

medal an sem chhan hi i hria em? Greek thawnthuah heng thilte hian mihring kum chhiar dan, *Golden Age*, pathiante bula mihring an chen lai; *Silver Age*, ṭhalaite pawh kum za mi an nih lai; leh *Bronze Age*, pasalṭhate hun lai a entir vang a ni. Olympic-a gold medal hi tangkaruaa siam a ni tlat bawk!

* Coconut hi khawvela thlai chi lian ber a ni.

* Mi tam ber hian kum thum an tlin hmaa an chunga thil thlang an hre reng tawh ngai lo.

* Khawvel mihring zinga thlaa lawn hmasa ber, Neil Armstrong-an Apollo 11 hmanga July 20, 1969 - a thlaa an lawn ṭuma a kawr hak (space-suit) kha thuah 25-a chhah a ni.



Naupang thu ziaak

ALICE-I TE CHHUNGKAW CHANCHIN

– *Lalramhluni*
Intermediate Dept.
Zemabawk

Hmanlai hian khaw te tak teeth hian nupa pakhat hian fanu duhawm leh hmeltha tak mai Alice-i hi an nei ve a. Alice-i chu naupang fel leh Pathian thu awih thei tak mai hi a ni a. A nu leh pate chu a theih ang angin a pui ve thin a. Tichuan, a lo thang lian zel a, kum nga a lo tlin meuh chuan Alice-i chu a nu leh paten sikul an luhtir ve a.

A l i c e - i
 c h u a n
 Pathian thu a
 awih em
 a v a n g i n
 lehkha pawh
 a thiam thei
 em em a, an
 sikulah pawh
 a pum puia
 lehkha thiam
 ber lawm-
 man a dawng
 hial a, lehkha



a thiam em avangin a nu leh pa chuan khawpuia lehkha zir chhunzawmtir an duh ta a. A hma aiin an hna chu an thawk rim lehzual a; tichuan, Alice-i chu khawpuiah lehkha zir

turin an kaltir thei dawn ta a, k h a w p u i a lehkha zir tur chuan a inbuatsaih ta a. A kal dawn chuan a nu leh pate chuan Bible an pe a, tichuan, an inmangtha ta a.

Alice-i chuan a hma aiin lehkha a zir nasa zual a, a thiltihna kawng engkimah Pathian a ring tlat a, a thinlungah he thu hi a hre reng a, "I awm dan tur chu Lalpa chungah ngat la, amah

chu ring la, aman a ti vek ang,” tih hi.

Kum tam tak hnuah chuan Alice-i chu mi hlawhtling tak niin, an khuaah chuan a haw leh ta a. A nu leh pa chuan hlim takin an lo hmuak a, Alice-i chuan an khuaah chuan sikul tha tak

a din ta a. An chhungkuain Pathian chu rin tlak a nihzia chu a takin an hria a, hlim takin an awm ho ta zel a ni.

Keini pawh kan thil tihna engkimah Pathian hi ring tlat ila, anin min phatsan ngai lo vang.

Naupang thu ziaik

NU LEH PA CHAWIMAWI

– K. Lalmangaihzuai (10)
Junior Dept., Zonuam, Aizawl

Naupangte chu biak inah kan inkhawm dawnin kan inbual fai ang a, smart takin kan inchei thin tur a ni. Kan hla bu leh Bible-te kan keng thin baw tur a ni. Biak ina kan luhin kan tawngtai ang a, kan kut kan dah fel thin tur a ni. Kan zirtirtute thusawi tha takin kan ngaithla thin tur a ni.



Thawhlawm atan te hian pawisa thar tha tha kan thawh thin tur a ni. Naupang thenkhat chuan kan thawhlawmte kan hmang then mai mai thin a, he thil hi chin dan tha lo tak a nih avangin kan sim tur a ni. Inkhawm laiin thiante nen lo ninhlei tur a ni lo. Chutianga fel taka kan awm chuan kan nu leh pate kan chawimawi dawn a ni.



HMUTHEITUA

Pathianni tum khat chu naupangte zingah ka hawi vel a, lawmna deuh deuh ka hmu a, ka lawm lutuk asin. Ih maw, ka thil hmuhte chu maw...

** Inkhawm tura naupang lo kalte chu an hmai a fai a, an thumhna hakte chu a man to leh to loh ka hre lo; a mar nalh hlawm em em a, an kut te, an ke te, an ha te, an sam

A chhan chu, Pathian hian a tha tha a duh a, Adama fapa Abela pawh khân a berâm vulh zinga a piang hmasa ber chu a rawn kai a, a talh a, a sa tha lai ber chu Pathian hnenah a pe a, a chungah



te a fai baw si, hla bu te an rawn keng vek baw si; hmuhna ka va han ti tak em aw!

** Kristian Naupang, Sunday School thawhlawm atân pawisa thar deuh deuh thawh thin ka hmu a, ka lawm tawp!

Pathian a lawm em em a. A then chuan, a thar tha deuh thawh tur an neih loh avangin an neih ang ang an rawn thawh baw a, chungho chu ka en reng a, Pathian tâna an thawhlawm thawh atâna a thar tha tha leh an neih ang

ang an rawn thawh kha Pathian a lâwm dâwn ema ka hriat avângin ka lo lâwm ve em em a.

**** Naupang fel deuh deuh, zirtîrtute thusawi ngun taka ngaithla thîn, heng mîte hian min tilâwm asin aw!**

**** An zirtîrtuten Kristian Naupang chanchinbu an sem leh a, lâwm em ema an dawng lai ka hmu leh a. ‘He**

biak ina inkhâwmnaah pawh ka hmu zui zel a, a then chu an nute bulah an thu a, a then chu an thianhovin an thu khâwm a, fel takin biak inah pawh chuan an awm lai ka hmu.

**** An in lama an awm dân te ka en zui zel a, Sunday School-a an zirlai tângpui an nu leh pate hnena sawi chhâwng lai ka hmu bawk.**

**** A tuk lamah lehkha zir a lo hun a, an nu leh p a t e n “Lehkha zir rawh,” tih pawh an ngai lo, an hun âwlah chuan an zirlai an zir leh mawlh mawlh mai nia.**



chanchinbu tha deuh hi uluk deuhin an chhiar âwm si a, a va tha em!’ tiin ka ngaihtuah a, ka lo lâwm veng veng a.

**** Inkhâwm hruaitu chuan hla a’n thlang leh a, ring tak mai hian naupangte zai tawn tawn lai chu ka hmu leh a, an va han hmuhnawm em aw!**

**** Naupang felho chu Sunday School Hall-ah chauh ni lo,**

Ka naute u, in awm dân fel tak ka hmuh hian ka lâwm a, hetianga fel taka in awm zel phawt chuan, in fel zual zel ang a, in nu leh pa, in unaute leh kohhran miten in fel zâr an la zo vang a, mi dangte pawhin in zâr an la zo vang. ‘Fel’ hi sim hauh suh u aw?

CHEICHHUAH




Han chei leh pawt mai teh le...




Chei dan tur

1 = Sen, 2 = Eng, 3 = Var,
4 = pawl, 5 = Dum, 6 = Hring



KA HMUH ANG HMU THEI RAWH



A chung a lemziak chi hnih khi ngun takin en la, a inan lohna chi ruk hmu thei rawh.

A hnuaiah hian a chhanna ziak la:

- 1.....
- 2.....
- 3.....
- 4.....
- 5.....
- 6.....

Postal Registration No. MZR/70/2015-2017 RNI Registration No. 66996/96

To,



Chhingga Vengthlang Naupang Sunday School

Published by Rev. Dr. C. Chawngmhanglana
Synod Literature & Publication Board, Aizawl and
Printed at the Synod Press, Mission Veng, Aizawl - 796 001.

Copies - 30,000